

INUIT ATAQATIGIIT

Inatsisartuni



UKA 2018/168

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nunatta kujataani aalisarnermut nunamilu inuussutissarsiornikkut periarfissanik
tikkuaallunilu suussusersisussamik Naalakkersuisut UKA2019-imi
saqqummiunneqartussamik nassuiaasiornissaat pillugu Inatsisartuni aalajangiiffigisassatut
siunnersuut.**

(Inatsisartuni ilaasortaq Aqqaluaq B. Egede, Inuit Ataqatigiit)

Tungavilersuut:

Nunatta kujasinnerusortaani aalisarnikkut inuussutissarsiuteqarnikkullu nunatta avataaniit pisariaqartitsiviunngitsunik siuarsaanissaq periarfissaqartoq aallartinneqartariaqarpoq. Aalisarnermik inuussutissarsiummik ingerlatsiumasut piumassuseqartullu periarfissinneqartariaqarput. Suliffissaaleqineq appartinneqassappat aningaasarsiornikkullu kaaviiartitat annertusissappata aamma Kommuni Kujalleq nukittorsarneqassappat pisariaqarluinnarpoq periarfissaareersut iluanni atorluanaanissaq.

Ilisimavarput siuarsaneq kajumissuserlu annertusiertortut. Kisianni aamma illuatungaani ilisimavarput Kommuni Kujalleq qimallugu inuit nussortut inuussutissarsiorfissanik amigaateqarnermik tunngaveqartoq. Taamaammat Inuit Ataqatigiit isumaqarpugut nunatta kujataani immikkut iliuuseqarluta periarfissallu atorluarsinnaasavut atorlugit siuarsaaqataassasugut. Piumaguttami periarfissaqarpoq.

Isiginnaaginnarsinnaangilarput illoqarfinni illut igalaavi matoorneqartut. Suliffissat nungukkiartortut. Aningaasarsiornikkullu annikilliartuinnartumik ingerlaaseqalernik immikkut iliuuseqarnissatsinnik noqqaasut uninngatiinnassallutigit. Kommuni Kujalleq suleqatigalugu nunatta kujataani aalisarnek aningaasarsiornermik kaaviiartitsilluartartoq inerisarniartigu.

Inuit atugaat pitsaanngitsut suli ajornerulissanngippata immikkut iliuuseqarfigisariaqarpagut. Suleqataasariaqarpugut periarfissallu pigisavut atorluartariaqarpagut. Pisuussutitsinnik pingaarnerpaat, tassalu nunatta inui pinartumi inissisimappata taava pisuussutitta ilaannik aalisakkanik atuisinnaalersillugit inuussutissarsiorsinnaalersillugit periarfissinniartigit.

Nunatta kujataani aalisarnermi inuussutissarsiornikkut periarfissanik Naalakkersuisut nassuiaasiornissaannik peqquniarpavut. Tulliullugulu innuttaasunut, suliffissaaleqinermit suliffissanillu pilersitsiortarnermik suliaqarnerulernermillu pilersitsinissamut immikkut iliuuseqarsinnaassaagut.

INUIT ATAQATIGIIT

Inatsisartuni



Assersuutigiinnartigu illoqarfik Narsaq sukkasuumik inuerukkiartortoq, illorpassuillu qimagarneqartut inuussutissarsiorfeerukkiartortorlu naalakkersuinikkut immikkut iliuseqarfigineqarnissaa pisariaqarluinnarpoq. Pisariaqartitsineq annertoq ikioqatigiinnissamik pisariaqartitsisoq Inuit Ataqatigiit peqataaffigerusukkatsigu siunnersuut una saqqummiupparput, ilisimavarpullu partiit allat aamma siunertat taamaattut peqataaffigerusuttaraat.

Taamatut siunnersuuteqarluta neriutigaarput siunnersuut immikkut iliuseqarnissatsinnik anguniagaqartoo akuersarneqassasoq. Taamaassappat Kommuni Kujalleq suleqatigalugu inuussutissarsiornikkut siuarsaanissaq aallartinneqarsinnaassammat.

Pisortanut aningaasatigut allaffissornikkullu kingunerisassai:

Misissueqqissarnermik suliaqarnissamut allaffissornikkut isumalluutininik atugassanngortitsisoqarnissaa pissutigalugu siunnersuut Namminersorlutik Oqartussat allaffissornikkut aningaasartuuteqarnerannik kinguneqassaaq. Nassuiaasiorneq A/C-fuldmægtigip ukiup affaanik sulineratut 250.000 kr-inik akeqassasoq naliliutaavoq. Aningaasartuutit taakku aalajangersumik aningaasaliissutaasut iluanni suliarineqarsinnaasoq nalilerneqarpoq, tamannalu sulianik allanik kingulliutitsinissamik nassataqarsinnaavoq.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.